

KUVENDI
NR 521 DATE 17.02.06



REPUBLIKA E SHQIPËRISË
Kabineti i Presidentit

*Dn. jvendite
per vjper
jose*

Nr.....213.....Prot.
11

Tiranë, më.....17.2.06

L e n d a : Dërgohet dekreti i Presidentit të Republikës.

KUVENDIT

TIRANË

Bashkëlidhur, ju dërgojmë dekretin e Presidentit të Republikës, SHTZ Alfred Moisiu, nr. 4778, datë 16.02.2006 “Për kthimin e ligjit nr. 9467, datë 30.01.2006 “Për miratimin e aktit normativ, me fuqinë e ligjit, nr. 4, datë 13.12.2005 të Këshillit të Ministrave “Për një shtesë në ligjin nr. 8405, datë 17.09.1998 “Për urbanistikën”, të ndryshuar”, si dhe motivimin e kthimit të ligjit.

Sekretar i Përgjithshëm

FILIP RRUMBULLAKU





**REPUBLIKA E SHQIPËRISË
PRESIDENTI**

DEKRET

PËR

KTHIMIN E LIGJIT NR. 9467, DATË 30.01.2006

“PËR MIRATIMIN E AKTIT NORMATIV, ME FUQINË E LIGJIT, NR. 4, DATË 13.12.2005 TË KËSHILLIT TË MINISTRAVE “PËR NJË SHITESË NË LIGJIN NR. 8405, DATË 17.09.1998 “PËR URBANISTIKËN”, TË NDRYSHUAR””

Në mbështetje të neneve 93 dhe 85, pika 1, të Kushtetutës,

DEKRETOJ

Kthimin dhe shqyrtimin edhe njëherë në Kuvend të ligjit nr. 9467, datë 30.01.2006 “Për miratimin e aktit normativ, me fuqinë e ligjit, nr. 4, datë 13.12.2005 të Këshillit të Ministrave “Për një shtesë në ligjin nr. 8405, datë 17.09.1998 “Për urbanistikën”, të ndryshuar””.

**Nr. dekretit 4778
Tiranë, më 16.02.2006**

**PRESIDENTI I REPUBLIKËS
ALFRED MOISIU**





**REPUBLIKA E SHQIPËRISË
PRESIDENTI**

Motivimi i kthimit të ligjit nr. 9467, datë 30.01.2006 “Për miratimin e aktit normativ, me fuqinë e ligjit, nr. 4, datë 13.12.2005 të Këshillit të Ministrave “Për një shtesë në ligjin nr. 8405, datë 17.09.1998 “Për urbanistikën”, të ndryshuar””

Të nderuar deputetë,

Në datë 01.02.2006 më ka ardhur për shpallje ligji nr. 9467, datë 30.01.2006 “Për miratimin e aktit normativ, me fuqinë e ligjit, nr. 4, datë 13.12.2005 të Këshillit të Ministrave “Për një shtesë në ligjin nr. 8405, datë 17.09.1998 “Për urbanistikën”, të ndryshuar””, të cilin, në bazë të nenit 85, paragrafi 1, të Kushtetutës, vendosa të mos e shpall, për shkak se:

Akti Normativ, me të cilin Këshilli i Ministrave ka bërë një shtesë në ligjin 8405, datë 17.09.1998 “Për urbanistikën”, i ndryshuar, është nxjerrë në datën 13.12.2006. Ndërkohë, Kuvendi i Shqipërisë e ka miratuar atë në datë 30.01.2006. Sipas nenit 101 të Kushtetutës, aktet normative e humbasin fuqinë e tyre që nga fillimi, në qoftë se nuk miratohen nga Kuvendi brenda 45 ditëve.

Për shkakun se nuk m’ë rezulton e zbatuar kjo kërkesë e Kushtetutës, vendosa të mos e shpall ligjin dhe t’a kthej atë edhe njëherë për rishqyrtim për të verifikuar respektimin e Kushtetutës lidhur me miratimin e aktit normativ nga Kuvendi i Shqipërisë.

Duke shpresuar në mirëkuptimin tuaj,

**PRESIDENTI I REPUBLIKËS
ALFRED MOISIU**



Alfred Moisiu